



澹雪齋

卷八

全



人之相善而相念也則千里命駕以  
溯晨夕之歡若其人已邈則多識其  
前言往行而思有以傳之非傳之於其  
書也傳之於其人也然藉此一編而時  
相晤對則如見其人焉而其書亦因之  
傳矣吾友王嘯岩先生性聰敏弱冠游  
庠名噪一時先君子宰榆次始識之  
莫以文章名世乃屢困場屋鬱鬱不

得志遂置舉業作川岳遊晚年悟道  
修身養性然時以其平生抱負寓之  
筆墨以抒其抑鬱無聊之意余筮  
仕中州與嘯岩相同數載於商確古今  
之暇多所規誡裨益身心其負病時猶  
復以持身律已諄々勸勉嗟乎言猶在  
耳而良友不再親怍々於心不能自己  
覓其遺稿得寬大詔一書知吾嘯岩以

陸賈自喻其抱負正是不凡惜乎其  
不得志也遂為校核以付剞劂非敢云  
必傳也亦聊以誌不忘吾良友云尔  
嘉慶二十年歲次乙亥春三月遙峯  
王祁書

寬大詔目錄

第一齣

載途

第二齣

面折

第三齣

菱塘

第四齣

目錄

霞舉書



秋餞

寬大詔

涂陽嘯岩居士填詞

載途

內鼓吹作行船介生袍服引衆末扮院子

隨上生

奉時春薄海光華玉燭懸日近處長安人遠  
萬里孤槎一封丹詔懷柔撫字恩非淺

蠻雲蚤雨望中開錦纜牙樯天上来一介

載途

霞舉書

書生三寸舌傳宣天語作春雷（衆虛下）下  
官陸賈楚國人也學究三代才雄萬夫生  
祖龍失鹿之秋逢赤帝揮蛇之運爾時爭  
鋒劉項割據鴻溝擇主英雄覬覦草莽下  
官竊見沛公有牢籠宇宙之度經綸草昧  
之才天與人歸志同道合便欲攀鱗附翼  
爭奈他不喜儒冠只得輓輅披裘聊做個  
逢時利器從此風雲龍虎定九鼎於關中

談笑嘲諧納片言於馬上又著了新書數  
十篇從容奏御無非陳道法於三代通風  
諭于九重可不是皇衷啓沃聖治邅隆因  
授下官以下大夫之職前日天子念故秦  
南粵尉趙佗搖尾不庭抗顏自立以為蜂  
蠆雖小當興問罪之師又念瘡痍未平不  
忍勤兵于遠乃剖符刊印命下官馳赴南  
粵便封趙佗為南粵王一路水陸兼程行

了兩月有餘今日天氣清和正好臨風凭  
眺你看兩岸青山好生葱蒨也

仙呂桂枝香林巒晴絢這一幅畫圖誰展對  
着這錦繡山河早回首長安不遠想丹楓近  
天丹楓近天北斗平臨宮殿運轉處兩大回  
旋論山川畢竟是天威咫尺風雲壯蠻俗荒  
遐氣候偏

雖如此說你看那青山兩岸種種嘉木多

是榎楠豫章有干霄蔽日之勢倚天拔地  
之材可惜生於無用之地

前腔陰森目眩抵多少上林青選也虧你插  
漢凌霄不枉了沉淪偃蹇我心中自憐心中  
自憐總得片時纏繞又早峰回路轉呀這隻  
輕舟順着風兒行得好不快也漫俄延正是

萬重山送天邊客一葉舟迎浪裏仙

想我陸賈自親隨聖駕以來運籌決策無



張良陳平蕭曹之奇被堅執銳無樊噲彭越諸人之勇總然腹有詩書一句也用他不著幸虧生的這一張辯口人人謂我倒峽懸河就是皇帝從前也屢次遣我游說侯國這都不在話下且說今日這回差遣倒是我生平大節所在既可以宏九重丕冒之仁又可以靖萬里蠻荒之氣所謂息兵戎正名分大一統在此行也倘若不辱

君命誰謂空言無補

江兒水報主盟孤願奔波敵憚煩說甚麼龍潭虎穴恩和怨我有丹心一寸書千卷風流不改儒生面擔得起九重天眷舌本蓮花小波瀾翻出青霜紫電

內鳴鑼作風濤洶湧聲生呀

前腔浪拍輕帆偃風歌毒霧煽霎時間天光水色迎頭變水魅山精休隱現老先生從不

頭顱顛把一幅江波裁剪寄與龍宮我不比  
屈子離騷哀怨

末捧茶介風息了請老爺用茶生我且問

你這里離南粵郡城還有多少路末啓爺

此間已是番禺境界明日便抵郡城生嗶

趙佗這厮我賁得天子詔書而來你接也  
不來一接我想這厮畢竟是游魂放命之  
徒待我見他時好生訓教一番

鵝鴨滿渡船你在蟄窩中偷息喘蟄窩中偷  
息喘鬼蜮難禁麗日暄羽毛憑你健羽毛憑  
你健看龍飛九五道協重華文明治玉堂謨  
典包容你榻畔眠莫把天潢當細涓臣心還  
自勉臣心還自勉須要措辭恭順拜颺歡忭  
兀的不是澤上占天

末小人聞得趙佗這老兒性情最是執拗  
他又在這南粵地方稱孤道寡十有餘年

養得益發驕縱老爺若到那里言語之間  
也要檢點些（生）我只是據理而言怕他不  
服（末）是（仝下）丑扮差官隨二卒乘小船上  
川撥棹蒙差遣小舟兒飛樣轉迎接那天使  
樓船迎接那天使樓船呀遠遠望見一號大  
船乘風而下想必就是了展春風旗幟新鮮  
櫓忙搖趨向前肅威儀禮要虔  
自家趙王帳下一個巡捕官兒因十年前

在秦皇帝時曾出過長安差使學得一口  
中國話回來今又有漢天子使臣封王到  
國我家千歲因我會打中國話特着我前  
往迎接我想這個官兒做的頭都白了還  
不得陞轉一步今日乘此機會就把漢天  
使在船艙裏沒口子奉承他個天花亂墜  
萬一他高了興在我那千歲跟前幫襯幫  
襯豈不是出頭之日麼有理有理軍校們

問前面来的那隻大船可是大漢皇帝萬萬歲欽差天使爺爺来的船不是〔雜問介〕

這船是那里来的〔雜應介〕是欽差陸老爺

南粵封王的〔雜報介〕是欽差陸老爺南粵

封王的〔丑〕快報名〔雜應介〕〔丑〕回來回來就

要稟見的〔雜報名介〕南粵王差官迎接

陸老爺稟請面見〔雜報介〕南粵差官稟見

〔生〕冠服末衆隨上〔生〕面帶霜威辭鳳闕口

傳天語出雞林〔末稟介〕南粵差官迎接稟

見〔生〕教他進來〔丑〕進見〔介〕小官叩頭不知

天使爺駕臨有失遠迎〔生〕怒〔介〕哇你這蠻

夫滿口胡說我乃漢皇天使未起身時早

有羽書通轉前途還說不曉的麼我且問

你你那主兒為何不親来接旨〔丑〕作悞色

〔介〕啟上爺爺我那主公呵

蠻江令他年衰體不健茶飯湏人勸腰肢望

得酸脚跟行處軟稽首頓首俯伏待王言明  
日爺爺到背得荆條見

〔生〕這還罷了今日候館安在那里〔丑〕不遠

了前面十里便是〔生〕你且出去〔丑〕出介〔約〕

啣啣嚇煞我也這老爹滿面都是冰霜把

我的一肚子好蛆便變做個蜜蜂兒也鑽

不透一絲風去罷了罷了我且趕到候館

中伺候去〔下〕〔生〕天色晚了前途尚有十里

之遙吩咐快走〔衆應介〕〔生〕

有結果煞漁村蟹舍和風軟襯斜陽波光三

面今日呵皇華漢使達南天〔全下〕

面折

淨冠服雜扮二太監隨上

中呂粉蝶兒

淨

天錫榮華坐擁百城宣化版

圖雄牙爪紛拏北三秦南百越馬牛風發官  
山府海齊尊大

錦繡乾坤一畫圖平分天塹兩王都生香  
翠羽珊瑚樹屈指中原一樣無孤家趙佗  
真定人也生秉異姿志多雄畧仕秦為龍

面折

霞舉書

川令後因陳涉首難諸侯多叛秦者秦皇  
 帝念南海尉任囂優柔寡斷不足與語乃  
 遣孤鎮撫南海一切便宜行事到粵以後  
 任囂即死孤遂以南海尉統馭諸蠻便置  
 守假馴其水草之性酌為典要之經數年  
 以內耆禺千里之境向化稱治又有桂林  
 象郡等數十州郡翕然向風齊上徽號尊  
 孤為南粵武王孤想來秦嬰已繫楚漢猶  
 爭內無君臣大義之嫌外有社稷蒼生之  
 樂因此受了尊號南面臨朝一時服物采  
 章好不威重也

漁家醉芙蓉

漁家傲  
首至五

端的是夷夏平分錯犬

牙撐起這半壁乾坤稱孤道寡

想我雖係偏

安即位以來文經武緯不知費了多少經濟

才得聲靈赫濯如此

統馭蠻荒休當要風雲

叱咤咳只是先陰迅速想那劉季并了項羽

至今又十一年了我與他從無一使通信往

來醉太平非傻欲窺九鼎問長沙可笑那劉

季前日有羽書報來說他差個甚麼大夫陸

賈要封我個甚麼王爵不知南粵武王本是

天人因應之報水雷利建之占又何勞你費

這個虛情細細想來也是他一番籠絡英雄

之意所以也差個官兒前途迎接使者昨日

又有報來說這陸賈文謏謏的有許多議論

又怪我不去接旨豈知我與劉季本非君臣

又非故舊接甚麼旨我想那陸賈呵軟腰硬

舌酸風雅玉芙蓉能刁詐也泥中坎蛙待伊

來要銀盃雪刃照烏紗

淨內侍們宣宿衛左將軍進見雜應宣介

外戎裝上日暖龍旂肅風高虎帳寒作進

見介左宿衛將軍臣進見願大王千歲雜

平身淨今有漢使到國汝速點部下五百

面折

震舉書



人馬出城迎接人馬都要精壯旗幟都要

鮮明行列都要整肅將軍你可知孤的意

思麼外曉的淨就此前去外領旨作傳令

介中軍官聽令今有軍國要務速點齊五

百人馬長鎗手弓箭手刀斧手鎗炮手籐

牌手各一百名都要精壯整齊就此擺隊

出城雜扮四軍校應上引外繞場下淨宣

殿前右將軍進見雜應宣介副淨戎裝上

鸞鳳不知天上詔貌貅自領殿前軍見介

殿前右將軍臣見駕願大王千歲淨孤今

日接見漢使汝職掌前朝軍政要於尋常

行列外再添丁壯五百名人人披挂戈矛

劍戟以森肅為主毋得遲悞副領旨下淨

我想陸賈那厮一介寒酸深入險重之地

看你這一粒鼠膽可落也不落

駐雲飛劍戟如麻五色天邊識女媧頭腦冬

烘大舌縮鬚眉乍嗔量不敢嘴巴巴風流畢  
罷喪氣垂頭折倒天朝架恰便似電掣兒童  
滿眼花

咳陸賈陸賈且漫說你這酸丁就是你那  
主兒呵

前腔乍撫中華風俗車書自己誇仗義從來  
假有甚文明化嗔亭長作官家原非佳話若  
論英雄未定誰高下可惜俺海表屏藩遠建

牙

〔小生扮司儀郎官進見介〕司儀郎啟千歲

漢使離城十里業已下船換了馬匹前朝  
文武官員一一伺候齊備千歲如何接見  
請旨定奪〔淨〕只也不消囉皂等他來時就  
請便殿見面罷了〔小生下〕〔淨〕且慢我想他  
是與國使臣何用我裁冠博帶倒是換了  
便衣科頭而見頗為得體有理有理〔下〕

〔內鼓吹雜扮二軍官一捧印一背詔書前行生冠服未扮院子各騎馬上〕〔生〕

好事近符節擁麻嘉五色雲中飛下文明翔

洽光被海角天涯〔外佩劍引四衆執旌旗兵器上〕俺奉大王軍令領兵前接漢使才出國

門漢使早已到來軍士們就此通報〔雜〕南粵

王遣左將軍迎接天使〔生〕罷了國中再見罷

嘎趙佗這厮竟不出来可惡可惡也罷待見

面時我自冇道理你看他爭排蟻隊鬧蜂衙

要把書生誆俺胸中武庫森羅值甚麼舌鋒

當打

〔作到城城外雜扮軍官四人各執兵衛立

介生進介〕〔生〕進得城來人民輻輳塵市喧

闐倒也熱鬧

前腔彈丸風物竟繁華似海市蜃樓圖畫可

惜拋荒絕域版圖不隸天家〔雜稟介〕來此已

面折

霞舉書

是官門了請老爺下馬相見生下馬介雜扮  
 軍士四人各執兵衛外副淨小生丑扮文武  
 官四員在內拱立介生詔下初辭温室樹夢  
 中先到景陽樓作見文武官拱立喝介噯我  
 奉皇帝符璽下臨爾等官員還不跪接衆跪  
 呼萬歲介生你那主公為何不見衆我主公  
 便殿恭候生這也奇作吩咐從官介你每捧  
 着符璽在此等候待我與他面講去便直奔

虎穴挫強梁風采多閒暇你不知舉趾高低  
 也須度建瓴高下下衆起介

外副淨小生好個使臣精神辭氣不覺的

令人畏服丑我記的甚麼書上有兩句話

頭說使於四方不辱君命這官兒倒像個

念過的可敬可敬全下

淨推髻便衣旦小旦扮二美人扶上

柳梢青端居多暇憂樂無牽掛醉擁名花真

個也溫柔瀟灑

〔雜扮太監稟介〕

啓千歲長安使臣來見

〔淨〕

快請快請

〔見介〕

哈哈聞得大夫遠遠

而來因老夫踈懶性成諸事簡略可要寬  
恕的啣〔生〕足下中國人也先王禮教蓋亦  
聞之昔者無道秦失政天下豪傑蠶起生  
民塗炭我大漢皇帝以龍鳳之姿天日之  
表起豐沛定關中誅項羽定有天下以為

一家薄海內外罔不臣妾前者吏議足下  
以暴秦餘孽延息海隅請授一將軍以十  
萬衆奉行天罰指日可以蕩平皇帝寬仁  
謂大難初平百姓寢戈衽草衝雪冒風不  
忍再動且剖符通使遣賈跋涉數千里持  
印綬封足下為王今足下不知搶地呼天  
感激高厚乃敢妄自尊大頑猾不恭賈竊  
為足下不取也

鶻打兔生樂天為大同覆載遍荒遐論天威不在羽林軍馬沾雨露昆蟲化描不出太平華夏可憐足下不達時宜舉念兒差

淨論老夫這里五嶺為城大海為池有珊瑚翡翠嘉木竹箭之產可以為富日南交趾九真象郡之廣可以為貴居臣民之上擅征伐之權十餘年來黔首歸心安於磐石未嘗非天之所樹况一夫不獲於心片

言可血其頸大夫也不可過於口強嗟

前腔這話非假莫咆哮慢誼諱便忠君也合

做聾粧啞况你那主公呵他輕儒服常漫罵

也不稱六龍儀駕過須自寡願斯容我容且住為佳

生如足下果肯一朝忿殺使者便是助漢一番大功耳漢之君臣垂涎足下土地之廣蓄產之富非一日矣日與二三執政謀

之於表央之前白虎之右以足下未成顯  
惡師出無名無以示天下今漢以大字小  
以禮先人足下反悍然不守臣節以戮天  
使是予漢以興師之口實也是使漢失一  
使臣而得撫有足下數千里之版圖也使  
者願先延頸為足下繫且足下先人墳墓  
及親昆弟俱在真定足下即不欲為漢臣  
不得也惟足下圖之〔淨笑介〕哈哈老夫

固知大夫賢今為是者聊以試之耳老夫  
久滯蠻荒不聞君子之教大夫此來甚好  
正待從容請教哩〔生〕且慢天子符印列在  
前庭足下既知大義尚須敬易禮服拜謝  
聖恩纔是〔淨〕謹奉教〔作更衣着冠介〕〔淨〕

兩休休〔幕〕地裏陡發心花感激聖恩寬大也  
虧一棒當頭喝得似震雷劈下使臣真是赤  
城霞老夫暫屈淮陰胯〔合〕要看底鈿軸金泥

寬大詔恩無價

〔衆〕上場設立香案雜捧符印淨拜介淨生

交拜羣臣賀淨拜生介淨

大夫遠來請暫

休別館奉饌安息明日排宴恭迎還要細

細領教

〔生〕

多謝君王射工巧侗游人影颯

母偏驚旅客船

〔下淨〕

這書生通敏碩大立

言有體令人可敬吩咐館邸官吏要留心

應付不可怠忽

〔衆應介〕

慶餘明朝再把嘉賓迓玉酒金筵禮要加錯

教我見了麒麟當犬擎

〔下〕



菱塘

生巾服攜書卷上

雙角  
 套  
 新水令  
 碧虛仙館為誰開稱俺這帶天  
 威玉堂丰采俺賦皇華携幾卷舊詩書他咏  
 緇衣關一所小蓬萊不枉了御筆欽差敢震  
 雷早震破天靈蓋

下官陸賈欽奉皇帝勅命遠來南粵封趙  
 佗為王春初起身夏初始抵南粵初來時

這老兒傲慢倔彊不奉約束被下官拽起  
面皮就是父兄教誨子弟一般說得他汗  
流浹背當下拜了龍章就請下官住在這  
迎仙館裏這老兒常來請教或請下官到  
他宮裏談些古今政治得失却到有些識  
見三日小宴五日大宴大是恭而有禮前  
日下官因公事已畢便辭他要回朝覆命  
却被他苦苦款留不肯輕放我想來天氣

正爾炎熱且捱到秋初歸去罷了你看這  
館中花台水榭樓閣玲瓏一切點綴陳設  
俱是南國精巧之物倒也有趣

沉醉東風這一帶玻璃牕外美人蕉綠過蒼  
苔遠平堤薜荔牆通曲水芙蓉埭越顯得琴  
書光澤咕叮噹小奏蓮鐘報已牌瀟灑也客  
中片刻

副淨扮差官上

媚客文絃陳雅操小筵官

菱塘

霞舉書

二十  
妓有新聲下官奉大王之命請漢使陸老  
爺菱塘小宴來此已是迎仙館了門上那  
位在末應介是那個副我家大王說日來  
長夏無事恐陸爺客居岑寂前命樂部教  
演一班新妓琴簫箏阮兼有新製文詞可  
以消遣我家大王已在菱塘別館等候請  
老爺就此起身船隻俱已伺候齊備了末  
如此少待啓爺趙王差官來請菱塘新樂

延宴船隻已伺候了生說我就去末家爺  
說隨後便來請了副淨下生

喬牌兒他那里把蛾眉箏阮排又備下一葦  
輕航在似函闕望着神仙拜虧他也好德如  
好色

生作更衣上船末隨介生

水仙子望不盡雲山萬疊浮嵐黛望不盡城  
郭千家樹裏來休猜做絕纓會認錯了東墻

客送佳人柳下懷便神仙也不值眉開只愁  
你碧筒杯小灌不醉滄波量大巴人曲不是  
仙樂蓬萊

末 已到離宮了請爺下船 生下船介 人到

金台瞻玉色船從葉嶼載花香 淨 來得快

啣老夫正要遣人催請 生 屢承嘉惠何以

克當 淨 說那里話來老夫因大夫客居長

夏無以消情乃命典樂選了幾個乾淨女

子教些技藝聞得日來粗有成就故請大  
夫來排遣排遣只怕不中聽哩就吩咐樂  
部教官妓們過來見了陸老爺 旦小旦老

旦丑扮四美人上旦 春嬌合是上林花 小

旦 夏日湖邊鬢影斜 老旦 共說秋娘風韻

好 丑 奴奴臉似大冬瓜 旦 奴家瑤笋 小旦

奴家燕餘 老旦 奴家媚珠 丑 奴家翠林 旦

衆家姊妹聞得漢使陸老爺到來千歲着

俺們進去恭見須索走走

衆應介是作進

見介婢子們叩頭生罷了學過有多少曲

了淨向來演習的都是舊曲新曲上口才

二十多天倒也每人有幾套了生快得緊

衆旦只是口生哩生

攪琵琶一個個多恁態好風兒吹得翠眉開

蟬鬢雲低湘裙步窄錦簇鳳頭鞋淨過獎了

大夫若不嫌醜陋就教送到館中給使供奉

何如生不消我只有一片冰心那曾戀十二

裙釵楚襄王空向夢中猜狂費情懷

淨女樂們且下去各自粧束排宴內鼓吹

排宴淨安坐生安淨坐淨辭介生

雁兒落多謝你黃金禮客臺不枉了白日飛

芝蓋玉盃裏輕紅擘荔枝紫簫中淺碧橫眉

黛

淨這是老夫愛才之意若是別個使臣只

恐未必如此生

得勝令呀你不道錦標五花裁丹鳳九天來  
倒把個窮措大偏看待將你這列笙歌情意  
埋你好不痴騃誰教你主人翁空唱采你想  
想該也波該請將來着人不自在

淨

大夫念念不忘闕廷可謂不辱君命之  
選益發可敬就教老夫國中大小官兒看  
看也長多少見識呀天氣不早了看看女

樂們粧飾了就教上來雜應下生

滴滴金只聽得羯鼓三搥笙鏞一派剛只道  
扶出牡丹鞋那里有安世房中石渠閣外振  
金石大樂和諧

旦攜琴小旦簫老旦阮丑抱箏場上設案  
衆旦置樂器案上叩頭內打十番小旦上

唱南詞衆合樂介

夏日天長景物幽 俏佳人家住蓼花

洲 趁斜陽自把珠樓上 捲蝦鬚玉腕  
 掛金鈎 翠眉無限傷心事 倚欄杆不  
 敢展青眸 羅袂薄 晚風柔 玉簫聲  
 裏洞庭秋 猛聽的蘆灣荻港聲聲唱  
 盡都是採蓮舟與釣魚舟 想他們一家  
 笑語清波上 樂天真撒颺盡世間愁  
 可記得你在合歡樹下談心事 你指着  
 那同心梳子訴緣由 說道姐姐呀你是

我一塊心頭肉 總然說丟了怎生丟  
 到而今為功名兩字把心腸變 泛秋江  
 一棹覓封侯 縱然你功名做到了擎天  
 柱 也算你昧了心頭負了沐頭  
 [淨] 收得兩句唱法還不自然 [生] 這就難為  
 他了

折桂令 這一霎菱荷香裏玳筵開珠落晶盤  
 雲濕花台妙舞新歌翠眉低口法清白 [指淨]

介 你是宴姑蘇風流太宰 指小旦介 他感陽

城翹楚裙釵亭榭呆愚鍾鼎珍鮭竹裏花間  
多少安排

淨 一個人唱沒甚意思教瑤笳燕餘合樂

媚珠與翠林二人一進一句進陸老爺一

曲 丑 我不慣唱勾腔 淨 演演就會了 老旦

丑 唱南詞旦小旦合樂介

老旦 南國佳人懶畫眉 丑 朝朝鏡裏對鍾

馮 老旦 錯了是容暉 丑 開口就挑字眼索

性你獨自唱去罷我也不唱了 淨 貴客在

此好好留神唱下去

老旦 玉簪兒斜插烏雲髮 丑 石榴裙襯出

素羅衣 老旦 春日柳好風吹 丑 鳳頭鞋貼

地逼真肥

淨 又錯了當是欲爭飛飛字陰平肥字陽

平這也辨不清楚蠢才好生記着 丑 這是



教坊裏教我的我也沒害甚麼陰病陽病  
 說是教媚珠姐一個唱罷偏要勾一勾勾  
 來勾去勾的人半上落下連字面都不準  
 了還說是口法不清〔淨怒介〕這蠢才口兒  
 倒巧偏教你一個唱〔丑〕這倒使得〔唱介〕  
 倚欄干盼的那孤老把門兒上我這裏就  
 腰兒扭捏把眼兒飛引得他三魂七魄都  
 飛去到晚來紅羅帳裏滿床飛

啓大王這一連氣幾個陰平飛字飛的好  
 不好〔淨〕胡說滿口不知道底甚麼還不下  
 去看看貴客在此〔丑唱介〕

總然是知音嘉客在筵前坐我也得撒句  
 村兒醒醒你的脾

〔生〕唱多了教他們將息將息罷

落梅風把金馬中三學士當勾欄裏倘秀才  
 野驪狐兜搭的半廳不穩狗沁歌又道的字

兒歪好也似宴鴻門殺人計策

**〔淨〕**翠材兒這不中抬舉的鬍頭好意教他  
做個前頭人在教坊學曲他却如此不長  
進吩咐明日仍發到勾欄裏去不許他內  
府供奉倒是聞得瑤箏前日學得一操琴  
曲叫甚麼白雉操何不過來鈎撥鈎撥  
還不熟哩 **〔淨〕**試試看就教燕餘吹簫和你  
**〔旦〕**作撫琴度曲小旦吹簫和介

海不波兮南風薰  
卿雲干呂兮芝草生光  
被四夷兮中國有聖人

**〔生〕**喜介 此曲便佳了指法亦好過來 **〔末〕**應

**〔介〕**把罰賓錢每人給他十圓 **〔淨〕**大夫客邊

不必過情 **〔生〕**聊以見意 **〔淨〕**過來謝了陸老  
爺 **〔旦〕**叩頭 **〔介〕** **〔生〕**

**〔沽美酒〕**他理絲桐服善才  
沾雨露頌春台  
舜殿文明動九垓  
也是你女梨園天籟  
一聲聲

踈越巧安排

天色晚了我們回去波〔淨〕尚早再吃一杯

〔生〕不消了〔淨〕看外面船隻燈籠伺候了麼

〔雜〕伺候多時了〔生〕

太平令今日個你敬吾皇微臣沾溉叨費你  
載行厨鳳髓麟胎這壁廂小樂府詩山曲海  
那壁廂眾臣僚我冠博帶端的也情開意諧  
樂愷有甚麼值不的小醉裏深深拜

〔作謝淨介〕淨曲不成曲酒不成酒〔枉〕

大夫一日清神何足云謝〔揖介〕

小絡絲娘煞不隄防流水行雲一煞倒做了

賢主嘉賓千載

〔作送生上船介〕生請了〔全下〕

秋餞

丑扮南海令二皂隸隨上

毒霧山嵐青草瘴洞客山黎都仰望三聲  
堂鼓放衙歸嚼飽檳榔肚不脹下官南海  
令因前日迎接漢使陸老爺虧我乘間兒  
嗑了幾顆體已頭他當面雖然嗔斥了一  
回心兒裏却有三分軟便把我在大王跟  
前熱攬了幾句好話因此大王就升我做

了南海令我這都會衝要之地須得抖擻起精神來做他個老當益壯數一數二的能員纔好昨日大王有旨恭送漢使回朝在城外河下餞飲大王親送十里又命下官送出南海交界我想陸老爺是提拔我的恩人如何簡慢的〔想介〕有了這南海

河下多少花船其中有名的也不少何不選幾個標標致致乾乾淨淨如花似玉的

小娘兒又會唱幾個嬌嬌滴滴風風流流鈎魂攝魄的小調兒這陸老爹也是久曠的人了萬一開了一雙眉動了心頭一點無名業火就留他們上個宿兒有甚麼使不得也算我一點報答左右〔雜應介〕持我

信票到河下傳四名絕色的官妓吹彈歌舞都要會的就教趕到欵差陸老爺第一程住宿馬頭伺候待我稟見時回明陸老

爺才許上去〔雜〕曉的〔丑〕我想差務船隻是我專管的一向靠當值的辦理花了我多少錢去不知有甚遺漏不曾待我檢點檢點過來〔雜〕應介〔丑〕大王巡幸的座船可是從新綵畫的〔雜〕從新綵畫的〔丑〕陸老爺的官船是甚麼樣的〔雜〕大花亭另有火食船在外〔丑〕新鮮麼〔雜〕新鮮〔丑〕齊備麼〔雜〕齊備〔丑〕待我問問旌旂鎗炮呢〔雜〕有了〔丑〕都要

新鮮適用的啲〔雜〕不錯〔丑〕燈籠棹椅鋪墊呢〔雜〕都是好的〔丑〕痰盂子便壺馬桶呢〔雜〕都有了〔丑〕點頭介〔丑〕也罷回來回來舵婦可要年輕好看的啲〔雜〕今年八十歲了一嘴雪白落腮鬍〔丑〕胡說這老頭兒如何把的舵〔雜〕是他的父哩〔丑〕這還罷了再拉一隻飛快的小船傳幹役二十名跟我趕到前途馬頭上伺候毋得有悞〔雜〕曉得〔全下〕

〔生〕冠服未隨上〔生〕

〔商角〕北集賢賓望春臺恩波三萬里天上使  
送將歸入蠻夷九州筐篚宏覆育五嶺黔黎  
扼塞住夜郎巴蜀平臨着鑿齒雕題願吾皇  
斗車天上運有微臣匹馬塗泥股肱兼耳目  
山海一航梯

下官自到粵以來轉瞬數月日來梧葉報  
秋正好歸去昨已辭了趙王今日起身北

上他說在河下拜送表章設筵餞別須索  
走走蒼頭〔末應介〕〔生〕隨身行李可先運到

船上否〔末〕行李都運上船了請爺騎馬出  
城就與趙王面別〔生〕知道了〔全下〕

〔淨〕冠服雜扮四軍校二太監作行船介

南八寶粧〔金梧桐〕〔淨〕西風送客星碧海思丹

陞臨水登山都雅衣裳會老夫一向與陸大  
夫朝夕盤桓見其口若懸河才如奔馬不覺

的凜凜畏服今日回朝覆命到教我捨他不  
 得只是一件我想他一個下大夫平日又無  
 甚重名尚且如此那些張良陳平周勃之徒  
 不知又是何等風采難為那漢王都能一一  
 籠絡術中為他所用豈不是帝王之度等陸  
 賈來時到要問他個仔細哩四塊金君懷落  
 落臣才濟濟五更轉中原塞滿英雄氣五緯  
 平階重輪合璧雜報介陸老翁到岸了淨瓊

貓兒隆

第四句一聲班馬動斜暉

三台令

萬里賓鴻

振羽儀

淨迎生相見介生

昨已拜別君王何

當遠遠相送

山坡羊

淨

只你這危言偉度金

閨彥怎教人目斷關山遠別離吩咐將謝恩

表章貢物香案陳設前艙待孤望闕行禮再

把餽送陸老翁的程儀也列在一面生表章

貢物所以修藩臣之職王之義也敢不拜嘉

至見賜下官之物萬不敢領淨大夫既知君



臣有義朋友豈獨無情一定要收的綠欄衫第二句

我攄誠慕義君友兩歸依駭甲馬四至末難覲天顏

喜合只海表呼嵩仰日暉

內鼓吹場上中間設表章禮物一案淨拜

介又旁面設一案陳黃金禮物淨拜生生

謝淨交拜介淨排宴生行色匆匆不消再

擾了淨後會無期豈有不暢飲一杯之理

各坐介生

北梧葉兒只見他一壁廂修貢職一壁廂陳

主儀排桂蠹列文犀翡翠生珊瑚尺一色色

紫陀泥一個個金裹蹄做贈答行人典禮

淨自接待以來承顏接辭開老夫多少茅

塞今日遠別不覺的黯然魂消願大夫寬

飲數杯聊壯行色生君王盛情敢不拜領

生飲酒介淨

南侍香金童滿酌海螺盃此別何時會一片

輕帆未移早千里傷心秋色矣枳棘間好音  
才集梧桐外文羽先飛怎奈烟波江上水〔生〕  
下官也不勝依戀君王唯是君命在身不能  
再緩伏願君王與時節宣遠慰離索〔合〕天威  
不違友情須記索時問回首故人稀

〔淨〕大夫老夫還有一言請教〔生〕君王有何

見諭〔淨〕老夫瞻仰大夫風采正如景星慶

雲敢不拜服但不知那些蕭何曹參韓信

孰與老夫賢〔生〕蕭曹起故秦刀筆吏韓信

本淮陰曠夫幸依日月之光効股肱之力

持管籥則計出萬全領兵韜則所向無敵

若以君王較之覺君王似賢於諸人耳〔淨〕

〔笑介〕又不知老夫孰與皇帝賢〔生〕作色介

此言差矣皇帝應天順人一戎衣而有天

下興利除害參萬歲而一成純繼五帝三

王之業理中國中國之人以億計地方萬

里居天下之膏腴人衆車輿萬物盈富政  
由一家自天地剖判以來未始有也今君  
王衆不過數萬皆蠻夷崎嶇山海間譬如  
漢之一郡王何乃比於漢

北賀聖朝白日青天此話休題大義分冠履  
臣心毋自欺日月邱陵幾許高卑莫認做龍  
蛇一樣飛無易由言駟馬難追

淨大笑介這是老夫戲言大夫倒認真了

就是老夫何嘗不馳仰聖顏心悅誠服我  
想那聖主呵

南水紅花龍顏端拱霽天威五雲中曛曩日  
麗小臣稽首存諸夷仰黃扉寸私先醉大夫  
你須鑒老臣真意報覆上隆準聞知合瞻雲  
就日一傾葵也囉

生君王戀闕依依才是性情之正下官覆  
命時自當上達聖聰以成千里明良之雅

酒多了下官就此拜辭〔淨〕送君千里終須  
一別昨已飛檄通飭前途案程供給又遣  
南海令親身護送伏願大夫此去鹽梅舟  
楫調中天玉燭之輝鐘鼎旗常作社稷蒼  
生之福老夫僻處荒夷不勝蒿目竚望之  
至〔生〕多謝君王教誨

北青哥兒恰遇着碧雲碧雲天氣霎時間畫  
舫畫舫人歸謝君王恩施禮遇真難得主和

賓各自東西別酒愁池歸路天梯主聖臣依  
道遠恩推看混一車書六合風雲拱紫微〔合〕  
萬萬歲天顏喜

〔內〕鼓吹生別淨過船介〔生〕淨請了〔生〕下淨

陸大夫船已遠了吩咐開船歸去了

南尾聲送歸舟斜陽醉君恩友誼向天涯把  
往日私心攔起〔全下〕

詞瀾曲譜騷人寄陶寫之章酒地花  
天才子振恒春之管是其情移今日  
蹟借古人托箇裡之聲容描眼前之  
憐愛且欲現身說法則位置原自清  
高况能出手爭先斯品識允宜莊重  
若我嘯岩先生寬大詔傳竒所謂寓  
抱負於文章隱風情於正大者矣今  
夫雕香鏤玉不少題詞寫翠傳紅尤

多雜劇試拈簫管撩撥知音慣學琵琶剛纔對客固歡場之極樂亦雅賞之同情使即繪此溫柔被之宮羽非不南音旖旎北字惺鬆而兒女纏綿僅屬房中之樂即才情傾吐祇供場上之觀何如漢使選賢雄藩帽服既懷柔而惠遠亦詞洽而理該脫悲歡離合之常談允推此曲合道學才華

為一致所謂伊人先生籍甚聲華過人慧業有情是佛著句皆仙藉管領夫明湖待持衡於法鑒桃花舞扇院中競識求詩楊柳旗亭都下爭傳劃壁偶因四美戲譜九宮致身在歡喜場中觸悟入清涼境裏脩成圓覺免隋綺語之魔心領真如莫入華嚴之界寬鱣堂近授崔範欣陪每當塵靜

亭閒香微齋罷談真娓娓示誨諄諄  
許元方為入道之人引摩詰為多才  
之累固已詞章自禁著作彌珍夫何  
別等三秋離經兩夏松喬忽折鶴馭  
旋賓嗟乎傳世丹鉛自作名山之寶  
半生筆墨誰收舊篋之藏乃有敦誼  
棣華得遺音于斷簡多情蓮侶繙大  
作之殘編披手帙而夷猶張心旌其

馳溯聊陳葵藿竊附棗梨所願賞心  
不遠想見高山流水之餘音都應妙  
口爭傳競譜白雪陽春之雅奏嘉慶  
乙亥暮春門人陳孝寬謹跋

四

四

同治  
庚午  
藏書

四



